

Na osnovu člana 33 Uredbe o uniformi, oznakama zvanja i naoružanju policijskih službenika ("Službeni list CG", br. 20/15 i 73/17), Ministarstvo unutrašnjih poslova donijelo je

## Pravilnik o izgledu, tehničkim karakteristikama, vrsti materijala, načinu nošenja i rokovima trajanja uniformi policijskih službenika za izvršavanje posebnih zadataka

*Pravilnik je objavljen u "Službenom listu CG", br. 77/2017 od 17.11.2017. godine, kada je i stupio na snagu.*

### I. OSNOVNE ODREDBE

#### Član 1

Ovim pravilnikom uređuju se izgled, tehničke karakteristike, vrsta materijala, način nošenja i rokovi trajanja uniformi policijskih službenika za izvršavanje posebnih zadataka.

#### Član 2

Izrazi koji se u ovom pravilniku koriste za fizička lica u muškom rodu podrazumijevaju iste izraze u ženskom rodu.

### II. UNIFORMA POLICIJSKIH SLUŽBENIKA SPECIJALNE ANTITERORISTIČKE JEDINICE

#### Član 3

Djelovi zimske taktičke uniforme policijskih službenika Specijalne antiterorističke jedinice su sljedećeg izgleda, tehničkih karakteristika i vrste materijala:

1) jakna sa podjaknom zakopčava se po sredini vodonepropusnim zatvaračem. Na prednjoj strani nalaze se paspul džepovi ispod kojih je ušiven vodonepropusni zatvarač. Jakna se blago sužava po dužini. U donjem leđnom dijelu jakne nalazi se kosi vertikalni paspul džep sa vodonepropusnim zatvaračem. Rukav je ranglan jednodjelan. U donjem šavu rukava i u bočnom šavu nalazi se vodonepropusni zatvarač, ispod kojeg je otvor sa mrežicom za prozračavanje. Kapuljača je trodjelna. Na džepu desnog rukava nalaze se posebna oznaka - zastava Crne Gore i natpisi "POLICIJA" i "SAJ". Na desnoj prednjoj strani u visini grudi nalazi se natpis od kombinacije slova i/ili brojeva koji služi za identifikaciju policijskog službenika. Sirovinski sastav jakne može biti 100% poliamid 6.6 sa premazom, površinske mase 250 g/m<sup>2</sup> (± 5%). Mrežica je izrađena od 100% poliestera, površinske mase 130 g/m<sup>2</sup> (± 10%), dok postava može biti 100% poliester, površinske mase 220 g/m<sup>2</sup> (± 10%). Jakna može biti sivo maslinaste ili crne boje. Podjakna je ravnog kroja i ima dva lica. Prednji dio podjakne zakopčava se po sredini zatvaračem, a u prednjem donjem dijelu nalaze se dva kosa paspul džepa sa zatvaračem. Podjakna je sa kapuljačom, troslojna, dva sloja su od osnovnog materijala, a unutrašnji sloj je od koflina koji može biti 100% poliester, površinske mase 120 g/m<sup>2</sup> (± 5%). Podjakna mora biti kompatibilna sa jaknom, a po potrebi se može nositi i kao zaseban odjevni predmet. Raspored oznaka i natpisa na podjakni je isti kao i na jakni. Sirovinski sastav osnovnog materijala podjakne može biti 100% poliester, površinske mase 170 g/m<sup>2</sup> (± 10%);

2) džemper - rolka je izrađen od vjetroneprobojnog materijala, sa podignutom kragom, koji se u prednjem dijelu zakopčava patent zatvaračem, a u visini grudi, ramena i laktova ojačan je sa platnom. Rukavi su dugi, klasičnog kroja i završavaju se renderom. U predjelu struka džemper - rolka se završava renderom. Sirovinski sastav materijala može biti vuna 70% (±5%) i akril 30% (±5%), a sirovinski sastav materijala za ojačanja može biti poliester 54%, vuna 44% i elastin 2%;

3) bluza je ravnog kroja, dužine do bokova, sa podignutom kragom, izrađena je od dvije vrste materijala i u prednjem dijelu zakopčava se zatvaračem. Na prednjem dijelu, u visini grudi nalaze se dva vertikalna džepa, a u donjem dijelu dva kosa paspul džepa. Rukav je ranglan jednodjelan, a na gornjem i donjem dijelu rukava nalazi se otvor za džep sa zatvaračem i poteznicom. Raspored oznaka i natpisa je isti kao i na dijelu uniforme iz tačke 1 ovog stava. Na pojedinim djelovima bluze nalaze se ojačanja. Sirovinski sastav materijala može biti poliester 15% (± 3%) i pamuk 85% (± 3%), a površinska masa materijala je 220 g/m<sup>2</sup> (±5%). Izuzetno, sirovinski sastav materijala može biti pamuk 65% (±3%) i poliester 35% (±3%), površinske mase 260 g/m<sup>2</sup> (±5%). Sirovinski sastav materijala za ojačanja može biti 100% poliamid 6.6 sa premazom, površinske mase 250 g/m<sup>2</sup> (± 5%);

4) pantalone su ravnog kroja, imaju pojas sa gajkama i zakopčavaju se dugmadima ili patent zatvaračem. Na prednjoj strani nalaze se kosi džepovi, a na liniji bokova su našiveni džepovi, ispod kojih su ušivena ojačanja za koljena. Na zadnjoj strani nalaze se dva džepa ispod kojih su ušiveni patent zatvarači. Sirovinski sastav pantalona može biti poliester 15% ( $\pm 3\%$ ) i pamuk 85% ( $\pm 3\%$ ), a površinska masa materijala je 220 g/m<sup>2</sup> ( $\pm 5\%$ ). Izuzetno, sirovinski sastav pantalona može biti pamuk 65% ( $\pm 3\%$ ) i poliester 35% ( $\pm 3\%$ ), površinske mase 260 g/m<sup>2</sup> ( $\pm 5\%$ ). Sirovinski sastav materijala za ojačanja može biti 100% poliamid 6.6 sa premazom, površinske mase 250 g/m<sup>2</sup> ( $\pm 5\%$ );

5) taktička majica sa dugim rukavima je sa ruskom kragom, koja se u prednjem dijelu zakopčava patent zatvaračem. Rukavi su ranglan, a u predjelu ramena i laktova majica je ojačana sa pamučno - sintetičkim materijalom. Na gornjem dijelu rukava nalazi se jedan džep, a krajevi rukava se završavaju manžetnom. Raspored oznaka i natpisa je isti kao i na dijelu uniforme iz tačke 1 ovog stava, osim što ne sadrži natpis od kombinacije slova i/ili brojeva koji služi za identifikaciju policijskog službenika. Sirovinski sastav materijala taktičke majice je minimum pamuk 90% i maksimalno 10% elastin. Sirovinski sastav materijala za ojačanja ramena i laktova može biti poliester 15% ( $\pm 3\%$ ) i pamuk 85% ( $\pm 3\%$ ). Površinska masa materijala je 220 g/m<sup>2</sup> ( $\pm 5\%$ );

6) majica sa kratkim i dugim rukavima je anatomskog oblika i uobičajenog izgleda, ravnog kroja, dužine do bokova, sa okruglom kragom i rukavima koji se završavaju renderom. Sirovinski sastav materijala može biti pamuk 94% ( $\pm 3\%$ ) i elastin 6% ( $\pm 3\%$ ) ili poliester 80% ( $\pm 5\%$ ) i spandeks 20% ( $\pm 5\%$ );

7) zimska kapa je pletena, anatomskog oblika, dvoslojna, a sirovinski sastav materijala može biti poliester 70% ( $\pm 5\%$ ) i vuna 30% ( $\pm 5\%$ );

8) kapa - beretka je uobičajenog izgleda, izrađena od čoje ili vune;

9) kapa - fantomka je crne boje, klasičnog izgleda, sa jednim otvorom, izrađena od pamuka ili kombinacije sintetičkih materijala;

10) kapa - džokejka je anatomskog oblika, uobičajenog izgleda, dvoslojna, sa nelomljivim štitnikom. Na potiljku se nalaze natpis "SAJ" i natpis od kombinacije slova i/ili brojeva koji služi za identifikaciju policijskog službenika. Sirovinski sastav materijala može biti poliester 15% ( $\pm 3\%$ ) i pamuk 85% ( $\pm 3\%$ );

11) potkapa je anatomskog oblika i završava se renderom, a sirovinski sastav materijala može biti vuna 70% ( $\pm 5\%$ ) i akril 30% ( $\pm 5\%$ );

12) taktičke rukavice su ergonomske oblika, izrađene od kombinacije sintetičkih materijala, kože, spandeksa, neoprena, kevlar i nomeksa, a u dijelu zgloba mogu imati trake za pritezanje;

13) zimske rukavice su crne boje, uobičajenog izgleda, sa odvojenim prstima, a sirovinski sastav materijala može biti poliester 92% i elastin 8%;

14) podmajica dugih rukava je uskog dizajna (slim fit) sa okruglom kragom i rukavima, i izrađuje se od elastičnog sintetičkog materijala. Sirovinski sastav materijala može biti 100% poliester ili 60% poliester, 34% poliamid i 6% elastin;

15) potpantalone su uskog dizajna (slim fit), izrađene od elastičnog sintetičkog materijala, a na krajevima nogavice se završavaju renderom. Sirovinski sastav materijala može biti poliester 100% ili poliester 60%, poliamid 34% i elastin 6%;

16) kišno odijelo sastoji se od jakne sa kapuljačom i pantalona. Jakna ima kragu i zatvara se sa prednje strane patent zatvaračem. Kišno odijelo je izrađeno od netkanog materijala sa lijepljenim i vodootpornim šavovima. Sirovinski sastav materijala mora biti vodootporan i vodonepropusni poliamid sa poliuretanskim premazom;

17) marama je pamučna, poliesterska ili mrežasta, pravouganog oblika;

18) čarape su anatomskog oblika i uobičajenog izgleda, a sirovinski sastav materijala može biti kombinacija pamuka, poliester, poliamida, polipropilen "Cool Max" materijala i elastina;

19) čizme sa povišenom sarom su anatomskog oblika, uobičajenog izgleda, sa termo zaštitom, ojačane u dijelu pete i prstiju i obezbjeđuju pokretljivost u dijelu skočnog zgloba. Čizme su vodootporne sa integrisanom klima membranom, sa termoizolacijom i antibakterijskom postavom, imaju nemetalnu konstrukciju i gumeni đon. Đon može biti prošiven, varen, brizgan i/ili lijepljen. Sirovinski sastav materijala može biti kombinacija kože, gume i sintetičkog materijala;

20) taktičke cipele - patike su izrađene u kombinaciji kože, gume i sintetičkog materijala, vodootporne su i sa integrisanom klima membranom, termoizolacijom i antibakterijskom postavom i imaju nemetalnu konstrukciju i gumeni đon;

21) ranac je sa postavljenim podesivim bočnim pojasevima za nošenje, sa više unutrašnjih i spoljnih džepova i torbica. Sirovinski sastav materijala je 100% poliester ili poliamid, vodootporan, zapremine minimalno 85 litara;

22) modularni ranac sa integrisanim rezervoarom za vodu je sa postavljenim podesivim bočnim pojasevima za nošenje, sa više unutrašnjih i spoljnih džepova i torbica, koji mogu da se zatvaraju patent zatvaračima, drikerima i čičak - trakom. Zapremina rezervoara je minimalno 2,5 litra. Sirovinski sastav materijala je 100% poliester ili poliamid, vodootporan, zapremine minimalno 30 litara; i

23) kombinezoni su jednodjelni sa dugim rukavima i podignutim okovratnikom, na prednjem dijelu, po sredini, zakopčavaju se patent zatvaračem, a u visini grudi nalaze se dva vertikalna džepa. Na oba rukava nalazi se isti raspored džepova i ojačanja. Raspored oznaka i natpisa je isti kao i na dijelu uniforme iz tačke 1 ovog stava, a na leđnom dijelu može se nalaziti natpis "SAJ". Nogavice su ravnog kroja, a prednji džepovi su kosi. Na liniji bokova našiveni su džepovi. Kombinezoni su izrađeni od dvije vrste materijala. Na pojedinim djelovima kombinezona nalaze se ojačanja. Sirovinski sastav materijala kombinezona može biti pamuk 85% ( $\pm 3\%$ ) i poliester 15% ( $\pm 3\%$ ), površinske mase 220 g/m<sup>2</sup> ( $\pm 5\%$ ) ili pamuk 65% ( $\pm 3\%$ ) i poliester 35% ( $\pm 3\%$ ), površinske mase 260 g/m<sup>2</sup> ( $\pm 5\%$ ). Sirovinski sastav materijala za ojačanja može biti 100% poliamid 6.6 sa premazom, površinske mase 250 g/m<sup>2</sup> ( $\pm 5\%$ ).

#### Član 4

Djelovi ljetnje taktičke uniforme policijskih službenika Specijalne antiterorističke jedinice su sljedećeg izgleda, tehničkih karakteristika i vrste materijala:

- 1) bluza je istog izgleda i materijala kao bluza iz člana 3 tačka 3 ovog pravilnika;
- 2) pantalone su istog izgleda i materijala kao pantalone iz člana 3 tačka 4 ovog pravilnika;
- 3) taktička majica sa kratkim rukavima je istog izgleda i materijala kao taktička majica sa dugim rukavima iz člana 3 tačka 5 ovog pravilnika, osim što je razlika u dužini rukava;
- 4) polo majica sa kratkim rukavima je sa kragom otpornom na uvrtnje, zakopčava se sa dugmadima i prugastog je veza. Rukavi su klasičnog kroja i završavaju se renderom. Raspored oznaka i natpisa je isti kao i na bluzi iz člana 3 tačka 3 ovog pravilnika. Sirovinski sastav materijala može biti minimum 98% pamuk;
- 5) majica sa kratkim rukavima je anatomske oblika i uobičajenog izgleda. Na desnom rukavu nalazi se posebna oznaka - zastava Crne Gore. Sirovinski sastav materijala može biti pamuk 94% ( $\pm 3\%$ ) i elastin 6% ( $\pm 3\%$ );
- 6) kapa - džokejka je istog izgleda i materijala kao kapa - džokejka iz člana 3 tačka 10 ovog pravilnika;
- 7) kapa - fantomka je istog izgleda i materijala kao kapa - fantomka iz člana 3 tačka 9 ovog pravilnika, osim što može biti mrežastog tipa;
- 8) šešir je tipa "boonie" i ima kanap za pričvršćivanje i četiri bočna otvora za ventilaciju. Sirovinski sastav materijala je pamuk 85% i poliester 15%, a površinska masa materijala je 220 g/m<sup>2</sup>;
- 9) čizme su izrađene od kombinacije kože, gume i sintetičkog materijala. Lice čizama je izrađeno od kombinacije vodootpornog laminiranog materijala i mikrofibera. Svi šavovi su zavareni i zatvoreni vodonepropusnim trakama. Sara je postavljena sunderastim materijalom od poliestera. Spoljni dio đona je napravljen od kombinacije gume i poliuretana. Spoj đona i gornjeg dijela je prošiven i varen;
- 10) čarape su istog izgleda i materijala kao čarape iz člana 3 tačka 18 ovog pravilnika;
- 11) taktičke cipele - patike su istog izgleda i materijala kao taktičke cipele - patike iz člana 3 tačka 20 ovog pravilnika; i
- 12) kombinezoni su istog izgleda i materijala kao i kombinezoni iz člana 3 tačka 23 ovog pravilnika, osim što sirovinski sastav materijala može biti pamuk 65% ( $\pm 5\%$ ) i poliester 35% ( $\pm 5\%$ ). Površinska masa materijala je 200 g/m<sup>2</sup> ( $\pm 5\%$ ).

#### Član 5

Djelovi zimske specijalističke uniforme policijskih službenika Specijalne antiterorističke jedinice su sljedećeg izgleda, tehničkih karakteristika i vrste materijala:

- 1) alpinistička jakna je uobičajenog izgleda, izrađena od sintetičkog materijala, sa unutrašnjim džepovima i kapuljačom. Jakna se zatvara patent zatvaračem na prednjoj strani. Na prednjoj strani jakne dužinom boka nalaze se veliki vertikalno usječeni džepovi koji se zatvaraju patent zatvaračem, a u predjelu pazuha nalaze se otvori za ventilaciju. Raspored oznaka i natpisa je isti kao i na jakni iz člana 3 tačka 1 ovog pravilnika;
- 2) alpinistička bluza je napravljena od dvostranog flisa, uskog kroja, po sredini prednje strane zatvara se pomoću patent zatvarača. U visini struka, sa prednje strane, nalaze se dva džepa koja se zatvaraju patent zatvaračima. Na lijevoj strani grudi i nadlakticama nalaze se džepovi. Na podlakticama, ramenima i kragu jakne nalaze se ojačanja. Raspored oznaka i natpisa je isti kao i na bluzi iz člana 3 tačka 3 ovog pravilnika. Sirovinski sastav materijala može da bude 100% poliesterski flis, površinske mase 300 g/m<sup>2</sup>;

3) alpinističke pantalone su izrađene od poliesterskog voodootpornog "soft shell" materijala. Pantalone su ojačane elastičnim najlon ripstop materijalom. Na prednjoj strani, ispod pojasa nalaze se džepovi. Na butinama nalaze se našiveni džepovi koji se zatvaraju patent zatvaračem. Na zadnjem dijelu nalaze se dva džepa. Sirovinski sastav materijala pantalona može da bude 100% poliesterski "soft shell", površinske mase 300 g/m<sup>2</sup>. Sirovinski sastav materijala za ojačanja može da bude najlon 88%, elastin 12% i ripstop tkanje;

4) alpinističke cipele su voodootporne, sa klima membranom, dodatno termoizolovane, gornji dio je izrađen u kombinaciji kože, gume i sintetičkih materijala, a đon je izrađen od gume;

5) alpinističke čizme su uobičajenog izgleda, izrađene od kombinacije kože, gume i sintetičkih materijala. Lice je izrađeno od kombinacije voodootporne kože i balističkog najlona - kordure. Konstrukcija đona ima stabilizator u petnom dijelu, a šablon đona je protivklizni u svim smjerovima;

6) alpinističke rukavice su napravljene od vodonepropusnog materijala. Rukavice su duge konstrukcije i pokrivaju dio podlaktice. Na predjelu dlanova, vrhova prstiju i sa spoljne strane zglobova prstiju nalaze se ojačanja. Sirovinski sastav materijala može da bude 100% poliestar, a ojačanja su od vještačke kože;

7) alpinistički džemper je istog izgleda kao džemper - rolka iz člana 3 tačka 2 ovog pravilnika, osim što je izrađen od materijala koji je vjetroneprobojan;

8) snajperska jakna je voodootporna, sa termo uloškom koji se skida, izrađena od sintetičkog materijala sa klima membranom, ima kapuljaču i zakopčava se patent zatvaračem, a na predjelu laktova je ojačana zaštitom protiv klizanja. Termo - uložak je anatomskog oblika, napravljen od sintetičkog materijala koji nije hidroskopan i ne propušta vlagu;

9) snajperska bluza na leđnom dijelu, kapuljači i zadnjoj strani rukava ima mrežu. Na laktovima rukava, nalaze se džepovi u koji se smještaju ulošci za zaštitu laktova. Prednji dio bluze je napravljen od vodonepropusne kordure, a zadnji dio bluze je napravljen od mreže koja dozvoljava prozračnost. Sirovinski sastav materijala prednje strane može da bude 100% kordura 1000D, a materijala zadnje strane 100% poliamid mrežasta tkanina;

10) snajperske pantalone imaju izgled polukombinezona bez prednjeg dijela torzoa sa tregerima. Prednji dio pantalona je napravljen od vodonepropusnog balističkog poliamida - kordure, a zadnji dio pantalona je napravljen od poliamidne mrežaste tkanine. Sirovinski sastav materijala prednje strane može da bude 100% kordura 1000D, a materijala zadnje strane 100% poliamid mrežasta tkanina;

11) snajperske čizme su istog izgleda i materijala kao čizme iz člana 3 tačka 19 ovog pravilnika, osim što na unutrašnjoj bočnoj strani đona imaju metalni dodatak;

12) "džili" odijelo se sastoji od pantalona, bluze, navlake za pušku i navlake za glavu. Materijal od kojeg se izrađuje odijelo je nezapaljiv i lagan. Bluza ima plastične drikere i dugmad, a pantalone elastični pojas. Otvor za lice je pokriven mrežom, a navlaka za pušku ima elastične trake. Sirovinski sastav materijala može da bude 100% poliestar; i

13) snajperske rukavice su uobičajenog izgleda, oblika i materijala sa odvojenim prstima. Vrhovi prstiju rukavica mogu da budu otvoreni. Sirovinski sastav materijala može biti vuna, sintetički materijal, koža ili njihova kombinacija.

## **Član 6**

Djelovi ljetnje specijalističke uniforme policijskih službenika Specijalne antiterorističke jedinice su sljedećeg izgleda, tehničkih karakteristika i vrste materijala:

1) alpinistička jakna je istog izgleda i materijala kao jakna iz člana 5 tačka 1 ovog pravilnika;

2) alpinističke pantalone su uobičajenog izgleda, ojačane na koljenima i zadnjem dijelu, a mogu biti ojačane i na drugim mjestima. Sirovinski sastav materijala je sintetički elastični materijal, a sirovinski sastav materijala za ojačanja je teflon;

3) alpinistička bluza je istog izgleda i materijala kao bluza iz člana 5 tačka 2 ovog pravilnika;

4) alpinistička majica je uobičajenog izgleda i materijala;

5) alpinističke rukavice su ojačane u predjelu dlanova i zglobova. Sirovinski sastav materijala može biti kombinacija sintetičkih materijala, kože, spandeksa, neoprena, kevlar i nomeksa;

6) snajperska jakna je istog izgleda i materijala kao jakna iz člana 5 tačka 8 ovog pravilnika;

7) snajperska bluza je istog izgleda i materijala kao bluza iz člana 5 tačka 9 ovog pravilnika;

8) snajperske pantalone su istog izgleda i materijala kao pantalone iz člana 5 tačka 10 ovog pravilnika;

- 9) snajperska majica je kratkih rukava i izrađena je od antibakterijskog materijala;
- 10) snajperske čizme su istog izgleda i materijala kao čizme iz člana 5 tačka 11 ovog pravilnika;
- 11) snajperske rukavice su istog izgleda i materijala kao rukavice iz člana 5 tačka 13 ovog pravilnika;
- 12) "džili" odijelo je istog izgleda i materijala kao "džili" odijelo iz člana 5 tačka 12 ovog pravilnika, osim što je maskirno zelene boje;
- 13) kapa - džokejka je je istog izgleda i materijala kao kapa - džokejka iz člana 3 tačka 10 ovog pravilnika; i
- 14) alpinističke cipele su predviđene za penjanje po "suvoj" stijeni, a sirovinski sastav materijala može biti kombinacija prevrnute kože, kordure i gume.

#### **Član 7**

Djelovi uniformi iz čl. 3 do 6 ovog pravilnika su crne boje, sivo maslinaste boje i maskirne boje i šare, osim jednog kombinezona iz člana 3 tačka 23 ovog pravilnika koji može biti bijele boje i "džili" odijela iz člana 5 tačka 12 ovog pravilnika koje može biti bijele boje sa zelenim elementima.

### **III. UNIFORMA POLICIJSKIH SLUŽBENIKA POČASNE REZIDENCIJALNE GARDE**

#### **Član 8**

Djelovi uniforme policijskih službenika Počasne rezidencijalne garde su sljedećeg izgleda, tehničkih karakteristika i vrste materijala:

- 1) šinjel je dužine do sredine lista noge, visoke kragne, sa zakopčavanjem ispod grla, a ivica kragne ukrašena je srmenim zlatnim gajtanom. Na prednjoj strani šinjela nalazi se autentični detalj sa crnogorske nošnje sa pet širita, izrađen od uvijenog srmenog gajtana. Šinjel na zadnjem dijelu i dnu rukava ima detalj sa nošnje od istog uvijenog gajtana, a na ramenom dijelu je epoleta opšivena duplim gajtanom i dugmetom u zlatnoj boji. Sirovinski sastav materijala je 80% vuna i 20% poliester, a postava je pamučna;
- 2) produžena bluza je istog izgleda kao i dio uniforme iz tačke 1 ovog stava, osim što je kraća, a sirovinski sastav materijala je 60% viskoza i 40% poliester, sa tanjom viskoznom postavom ili čoja 100% vuna sa debljom viskoznom postavom;
- 3) košulja je uobičajenog izgleda, a sirovinski sastav materijala je pamuk 100%;
- 4) pantalone su oblika čakšira, proširene u gornjem dijelu do ispod koljena, a u dijelu ispod lista noge sužene, sa zlatnim gajtanom sa strane i širokom fleksibilnom trakom za stopalo. Sirovinski sastav materijala je 65% vuna i 35% poliester;
- 5) stilizovani pojas je sa motivima crnogorske nošnje, urađen na platnenoj osnovi protkan nitima zlatne boje i metalnom kopčom;
- 6) kapa je tradicionalna crnogorska, sa crvenom čojom na tjemenu i vezenim Grbom Crne Gore. Na čeonom dijelu je metalni Grb Crne Gore. Sirovinski sastav materijala je 100% saten;
- 7) rukavice su sa odvojenim prstima, a sirovinski sastav materijala je kombinacija pamuka i elastina;
- 8) čizme sa povišenom sarom su sa visokim tvrdim sarama do koljena, a sirovinski sastav materijala je 100% koža; i
- 9) sablja je stilizovana od nerđajućeg materijala.

### **IV. UNIFORMA POLICIJSKIH SLUŽBENIKA - MOTOCIKLISTA**

#### **Član 9**

Djelovi uniforme policijskih službenika - motociklista su sljedećeg izgleda, tehničkih karakteristika i vrste materijala:

- 1) motociklističko odijelo (dvodjelno) sastoji se od jakne i pantalona, koje mogu biti teget, sive i/ili crne boje. Jakna je otporna na vjetar, vodonepropusna, sa više slojeva, a termo postava je "modularni flip" ventilacija, sa unutrašnjom prozračnom membranom i ima zaštitu u predjelu ramena, laktova i leđa. U prednjem i zadnjem dijelu jakne su po dva vodootporna džepa, kao i sistem za pričvršćivanje jakne i pantalona. Na prednjem dijelu jakne iznad lijevog ili desnog džepa i na leđnom dijelu jakne nalazi se natpis "POLICIJA" ispisan reflektujućim slovima bijele boje. Sirovinski sastav jakne je 100% "gore-tex". Pantalone su vodootporne i otporne na vjetar, od višeslojevitog elastičnog materijala, sa termo postavom "modularni flip", sa podešavanjem struka i sistemom za pričvršćivanje jakne i pantalona. Pantalone imaju zaštitu u predjelu koljena, elastične su u predjelu prepona i imaju elastični dodatak u predjelu donjeg dijela leđa i na koljenima. Sirovinski sastav pantalona je 100% "gore-tex";

2) polo majica sa kratkim rukavima ima na poledini natpis "POLICIJA" ispisan reflektujućim slovima bijele boje. Na obodu rukava majice prišivena je reflektujuća traka, a sirovinski sastav materijala je 100% pamuk;

3) "slim-fit" majica sa dugim rukavima je elastična, a sirovinski sastav materijala je 80% poliamid i 20% spandeks;

4) "slim-fit" potpantalone su izrađene od elastičnog materijala, čiji je sirovinski sastav 80% poliamid i 20% spandeks;

5) kišno odijelo je dvodjelno, vodonepropusno, a na prednjem dijelu, u predjelu lijevog džepa i na leđnom dijelu nalazi se natpis "POLICIJA" ispisan reflektujućim slovima bijele boje. Na obodu rukava i nogavica kišnog odijela prišivena je reflektujuća traka;

6) motociklistička kaciga je bijele boje, uobičajenog izgleda sa integrisanim sistemom za ventilaciju. Unutrašnjost je antibakterijska sa mogućnošću skidanja i pranja. Svijetli vizir je otporan na ogrebotine, a unutrašnji štitnici za zaštitu od sunca su sa UV zaštitom anti - fog;

7) motociklističke rukavice (zimske) su crne boje, otporne na vjetar, vodootporne i imaju čičak za pritezanje. Rukavice su napravljene od elastične kože i posjeduju reflektujuću liniju, a predio dlana je napravljen od kože. Sirovinski sastav materijala je kombinacija kože i "gore-tex" materijala, a membrana je sačinjena od tri sloja vune;

8) motociklističke rukavice (ljetnje) su crne boje, imaju autozakrivljenost prstiju i elastične dodatke na dlanovima sa ojačanom tkaninom, a sirovinski sastav materijala je 100% spandeks;

9) motociklistički pojas je sa tapaciranim poliesterom pozadi, a sirovinski sastav materijala je 90% poliester i 10% poliamid;

10) motociklistički štitnik za leđa je izrađen od plastike, a iznutra postavljen sunderastim materijalom, sa pojasevima kojima se ravnomjerno veže oko tijela;

11) motociklistički štitnici za ekstremitete su izrađeni od plastike, a iznutra su postavljeni sunderastim materijalom i imaju zglob koji se savija;

12) motociklističke naočare su predviđene za zaštitu od vjetra, ozljeda i od UV 400 zračenja i aerodinamičkog su izgleda sa polarizovanim sočivima i futrolom od plastike. Sirovinski sastav materijala je 100% plastika na akrilnoj bazi;

13) motociklistička potkapa ima membranu koja omogućava prozračnost i propuštanje vodene pare i ima elastične umetke i produžetak za zaštitu vratnog dijela glave, a sirovinski sastav materijala je kombinacija poliesteru i poliamida;

14) motociklističke čizme (zimske) su crne boje sa povišenom sarom, otporne na vjetar, vodootporne sa fleksibilnim spojnica za udobno pješaćenje i krutim ulošcima za zglobove. Na čizmama su reflektujućim umeci i imaju elastični dodatak na pregibu zgloba. Sirovinski sastav gornjeg dijela motociklističkih čizama je mikrofiber, a đon je napravljen od gume; i

15) motociklističke čizme (ljetnje) su crne boje sa blago povišenom sarom, ojačanjima u predjelu zglobova i konfor stopalima. Sirovinski sastav materijala je ojačano platno u kombinaciji sa kožom.

## **V. UNIFORMA POLICIJSKIH SLUŽBENIKA POSEBNE JEDINICE POLICIJE**

### **Član 10**

Djelovi zimske taktičke uniforme policijskih službenika Posebne jedinice policije su sljedećeg izgleda, tehničkih karakteristika i vrste materijala:

1) jakna sa podjaknom je istog izgleda, tehničkih karakteristika i vrste materijala kao jakna iz člana 3 tačka 1 ovog pravilnika;

2) džemper - rolka je je istog izgleda, tehničkih karakteristika i vrste materijala kao džemper - rolka iz člana 3 tačka 2 ovog pravilnika;

3) bluza je blago strukirana, a donji dio svojim krojem i dužinom treba da prati liniju opasača. Kragna je stojeća. Prednji dio bluze zakopčava se po sredini patent zatvaračem koji je pokriven sa patnom. Na prednjem dijelu bluze, u visini grudi lijevo i desno od kanta nalazi se po jedan džep, sa patnom koja se kopča skrivenim drikerima. Na gornjem dijelu oba rukava ušiven je po jedan džep sa patnom. Na donjem šavu rukava ušivena je lajsna na kojoj se nalazi čičak traka koja služi za regulaciju obima rukava. Na džepu desnog rukava nalaze se posebna oznaka - zastava Crne Gore i natpisi "POLICIJA" i "PJP". Na desnoj prednjoj strani u visini grudi nalazi se natpis od kombinacije slova i/ili brojeva koji služi za identifikaciju policijskog službenika. Sirovinski sastav materijala može biti ripstop, poliester 15% ( $\pm 3\%$ ) i pamuk 85% ( $\pm 3\%$ ), a površinska masa je minimum 220 g/m<sup>2</sup> ( $\pm 5\%$ ). Izuzetno, sirovinski sastav materijala može biti pamuk 65% ( $\pm 3\%$ ) i poliester 35% ( $\pm 3\%$ ), površinske mase 260 g/m<sup>2</sup> ( $\pm 5\%$ );

4) pantalone imaju pojas sa gajkama, mogu se zakopčavati patent zatvaračem ili dugmadima, a sa drikerima ili dugmadima u gornjem dijelu pojasa. Na prednjem dijelu

nogavice nalazi se zaobljeni džep ispod kojeg se nalazi urezani džep, a na bočnom dijelu nogavice nalazi se skriveni džep. Na zadnjem dijelu nogavice se nalaze dvije gajke, a ispod pojasa pantalona je horizontalni zadnji džep sakriven patnom. Sa unutrašnje strane na patnu se nalaze drikeri, dugmad ili patenti za skriveno kopčanje džepova. Na krajevima nogavica pantalona reguliše se podešavanje širine. Sirovinski sastav materijala može biti ripstop materijal, 15% ( $\pm 3\%$ ) poliester i 85% ( $\pm 3\%$ ) pamuk, a površinska masa je minimum 220 g/m<sup>2</sup> ( $\pm 5\%$ ). Izuzetno, sirovinski sastav materijala može biti pamuk 65% ( $\pm 3\%$ ) i poliester 35% ( $\pm 3\%$ ), površinske mase 260 g/m<sup>2</sup> ( $\pm 5\%$ );

5) taktička majica je istog izgleda, tehničkih karakteristika i vrste materijala kao taktička majica iz člana 3 tačka 5 ovog pravilnika;

6) majica sa kratkim i dugim rukavima je istog izgleda, tehničkih karakteristika i vrste materijala kao majica iz člana 3 tačka 6 ovog pravilnika;

7) zimska kapa je istog izgleda, tehničkih karakteristika i vrste materijala kao zimska kapa iz člana 3 tačka 7 ovog pravilnika;

8) kapa - beretka je uobičajenog izgleda, a sirovinski sastav materijala je 100% čoja ili 100% teflonizirana vuna;

9) kapa - fantomka je istog izgleda, tehničkih karakteristika i vrste materijala kao kapa - fantomka iz člana 3 tačka 9 ovog pravilnika;

10) kapa - džokejka je istog izgleda, tehničkih karakteristika i vrste materijala kao kapa - džokejka iz člana 3 tačka 10 ovog pravilnika;

11) potkapa je istog izgleda, tehničkih karakteristika i vrste materijala kao potkapa iz člana 3 tačka 11 ovog pravilnika;

12) taktičke rukavice su istog izgleda, tehničkih karakteristika i vrste materijala kao rukavice iz člana 3 tačka 12 ovog pravilnika;

13) rukavice za javni red i mir (antiriot) izrađene su od kože. Na spoljnoj i unutrašnjoj strani šake, podlaktice i prstiju, nalaze se ušiveni jastučići. Sirovinski sastav materijala može biti prirodna koža 100%;

14) zimske rukavice su istog izgleda, tehničkih karakteristika i vrste materijala kao zimske rukavice iz člana 3 tačka 13 ovog pravilnika;

15) podmajica je istog izgleda, tehničkih karakteristika i vrste materijala kao podmajica iz člana 3 tačka 14 ovog pravilnika;

16) potpantalone su istog izgleda, tehničkih karakteristika i vrste materijala kao potpantalone iz člana 3 tačka 15 ovog pravilnika;

17) kišno odijelo je istog izgleda, tehničkih karakteristika i vrste materijala kao kišno odijelo iz člana 3 tačka 16 ovog pravilnika;

18) marama je istog izgleda, tehničkih karakteristika i vrste materijala kao marama iz člana 3 tačka 17 ovog pravilnika;

19) čarape su istog izgleda, tehničkih karakteristika i vrste materijala kao čarape iz člana 3 tačka 18 ovog pravilnika;

20) gete su napravljene od balističkog najlona koji obezbjeđuje vodonepropusnost, prozračnost i otpornost na mehanička oštećenja i imaju djelove za kačenje za obuću. U gornjem obodu nalaze se trake za podešavanje obima geta. Sirovinski sastav materijala je kordura 100%;

21) čizme sa povišenom sarom su istog izgleda, tehničkih karakteristika i vrste materijala kao čizme sa povišenom sarom iz člana 3 tačka 19 ovog pravilnika;

22) taktičke cipele - patike su istog izgleda, tehničkih karakteristika i vrste materijala kao taktičke cipele - patike iz člana 3 tačka 20 ovog pravilnika;

23) ranac je istog izgleda, tehničkih karakteristika i vrste materijala kao ranac iz člana 3 tačka 21 ovog pravilnika;

24) modularni ranac je istog izgleda, tehničkih karakteristika i vrste materijala kao modularni ranac iz člana 3 tačka 22 ovog pravilnika; i

25) kombinezoni su jednodjelni sa stojećim okovratnikom i dugim rukavima. Kombinezoni se zakopčavaju po sredini prednjeg dijela patent zatvaračem. Na prednjem dijelu u visini grudi nalaze se dva džepa, lijevo i desno od kanta. U gornjem dijelu džepa ušiven je patent zatvarač. Na bočnim šavovima nogavica nalaze se džepovi koji se zatvaraju patent zatvaračima, a na leđnom dijelu može se nalaziti natpis "PJP". U predjelu pojasa prišivena je elastična traka za regulaciju obima. Rukavi su dvodjelni i čičak je našiven na sredini spoljnog šava. Raspored oznaka i natpisa je isti kao i na dijelu uniforme iz tačke 3 ovog stava. Sirovinski sastav materijala je pamuk 85% ( $\pm 3\%$ ) i poliester 15% ( $\pm 3\%$ ), površinske mase 220 g/m<sup>2</sup> ( $\pm 5\%$ ) ili pamuk 65% ( $\pm 3\%$ ) i poliester 35% ( $\pm 3\%$ ), površinske mase 260 g/m<sup>2</sup>.

#### **Član 11**

Djelovi ljetnje taktičke uniforme policijskih službenika Posebne jedinice policije su sljedećeg izgleda, tehničkih karakteristika i vrste materijala:

- 1) bluza je istog izgleda, tehničkih karakteristika i vrste materijala kao bluza iz člana 10 tačka 3 ovog pravilnika, osim što je površinska masa materijala 200 g/m<sup>2</sup>;
- 2) pantalone su istog izgleda, tehničkih karakteristika i vrste materijala kao pantalone iz člana 10 tačka 4 ovog pravilnika, osim što je površinska masa materijala 200 g/m<sup>2</sup>;
- 3) taktička majica sa kratkim rukavima je istog izgleda, tehničkih karakteristika i vrste materijala kao taktička majica iz člana 4 tačka 3 ovog pravilnika;
- 4) polo majica sa kratkim rukavima je istog izgleda, tehničkih karakteristika i vrste materijala kao majica iz člana 4 tačka 4 ovog pravilnika. Na leđnom dijelu može se nalaziti natpis "PJP";
- 5) majica sa kratkim rukavima je istog izgleda, tehničkih karakteristika i vrste materijala kao majica iz člana 4 tačka 5 ovog pravilnika;
- 6) kapa - džokejka je istog izgleda, tehničkih karakteristika i vrste materijala kao kapa - džokejka iz člana 4 tačka 6 ovog pravilnika;
- 7) kapa - fantomka je istog izgleda, tehničkih karakteristika i vrste materijala kao kapa - fantomka iz člana 4 tačka 7 ovog pravilnika;
- 8) šešir je tipa "boonie" i ima kanap za pričvršćivanje i četiri bočna otvora za ventilaciju. Sirovinski sastav materijala je pamuk 85% i poliester 15%, površinske mase 220 g/m<sup>2</sup>;
- 9) čarape su istog izgleda, tehničkih karakteristika i vrste materijala kao čarape iz člana 4 tačka 10 ovog pravilnika;
- 10) čizme su istog izgleda, vrste materijala i tehničkih karakteristika kao čizme iz člana 4 tačka 9 ovog pravilnika;
- 11) taktičke cipele - patike su istog izgleda, tehničkih karakteristika i vrste materijala kao taktičke cipele - patike iz člana 4 tačka 11 ovog pravilnika; i
- 12) kombinezon je istog izgleda, tehničkih karakteristika i vrste materijala kao kombinezon iz člana 10 tačka 25 ovog pravilnika, osim što sirovinski sastav materijala može biti pamuk 65% (±3%) i poliester 35% (±3%), a površinska masa materijala je 200 g/m<sup>2</sup>.

#### **Član 12**

Djelovi uniformi iz čl. 10 i 11 ovog pravilnika su sive boje, sivo - maslinaste boje, crne boje i druge maskirne boje i šare.

## **VI. UNIFORMA POLICIJSKIH SLUŽBENIKA - KONJANIKA**

#### **Član 13**

Djelovi zimske specijalističke uniforme policijskih službenika - konjanika su sljedećeg izgleda, tehničkih karakteristika i vrste materijala:

- 1) jakna za jahanje je izrađena od vodonepropusnog materijala i ultra laganog punjenja sa toplotnim karakteristikama koje omogućavaju nošenje na niskim temperaturama, a svi šavovi su zavareni. Svi patent zatvarači na jakni su vodonepropusni. Jakna se zatvara dvostranim patent zatvaračem na prednjoj strani. Na prednjoj strani jakne cijelom dužinom boka nalaze se veliki vertikalno usječeni džepovi koji se zatvaraju patent zatvaračem. Jakna ima otvore koji se zatvaraju patent zatvaračem. Raspored oznaka i natpisa je isti kao i na bluzi iz člana 10 tačka 3 ovog pravilnika. Sirovinski sastav materijala je najlon - taslon 100% ripstop;
- 2) pantalone za jahanje su uskog kroja i napravljene su od materijala sa elastinom i anatomskom konturom. Na bočnoj unutrašnjoj strani, u predjelu koljena našivena su ojačanja od kože. Ispod pojasa sa prednje strane nalaze se dva kosa usječena džepa. Svi šavovi sa unutrašnje strane su vareni. Sirovinski sastav materijala je pamuk 95% i elastin 5%;
- 3) rukavice za jahanje su ergonomskog oblika i mogu biti izrađene od kombinacije sintetičkih materijala, prirodne ili vještačke kože. Sirovinski sastav materijala lica je kombinacija pamuka, sintetičkih materijala, prirodne ili vještačke kože, a sirovinski sastav materijala postave je 100% poliester;
- 4) pelerina za jahanje je uobičajenog oblika, sa kapuljačom, otvorima za džepove i podesivim rukavima. Sirovinski sastav materijala pelerine i postave je poliester 100%;
- 5) košulja sa dugim rukavima je klasičnog kroja, blago strukirana, sa klasičnim okovratnikom i rever kragom. Na krajevima rukava nalaze se manžetne sa dugmićima ili drugi sistem za podešavanje obima rukava. Na prednjoj lijevoj i desnoj strani, u visini grudi, nalazi se po jedan našiveni džep zatvoren preklopom, na kopčanje sa dugmetom. Raspored oznaka i natpisa je isti kao i na bluzi iz člana 10 tačka 3 ovog pravilnika. Sirovinski sastav materijala je poliester 100% ripstop ili pamuk 65% (±3%) i poliester 35% (±3%), a površinska masa materijala je 200 g/m<sup>2</sup>;
- 6) čizme za jahanje su sa povišenom sarom visine do koljena, zakopčavaju se patent zatvaračem sa zadnje strane. Sirovinski sastav materijala je prirodna koža sa sintetičkom postavom i kožnim đonom sa gumenom polupendžetom; i
- 7) kaciga za jahanje je uobičajenog izgleda i namjene. Podešava se pomoću remena sa kopčama, sa unutrašnje strane kacige nalazi se obloga od pjene ili drugog materijala i oblika



za prilagođavanje glavi jahača. Sirovinski sastav materijala je čvrsta plastika sa premazom ili drugi materijal koji se koristi za izradu kacige.

#### **Član 14**

Djelovi ljetnje specijalističke uniforme policijskih službenika - konjanika su sljedećeg izgleda, tehničkih karakteristika i vrste materijala:

1) pantalone za jahanje su istog izgleda, tehničkih karakteristika i vrste materijala kao pantalone iz člana 13 tačka 2 ovog pravilnika;

2) rukavice za jahanje su ergonomskog oblika, sa mogućnošću podešavanja u dijelu zgloba i imaju ojačanja od sintetičkog materijala, vještačke ili prirodne kože. Sirovinski sastav materijala je kombinacija najlona, poliuretana, elastina, vještačke i prirodne kože;

3) košulja sa kratkim rukavima je klasičnog kroja, blago strukirana, sa klasičnim okovratnikom i rever kragom i zakopčava se sa dugmadima. Na prednjoj lijevoj i desnoj strani, u visini grudi nalazi se po jedan našiveni džep sa preklopom. Raspored oznaka i natpisa je isti kao i na bluzi iz člana 10 tačka 3 ovog pravilnika. Sirovinski sastav materijala je 100% poliester ripstop ili pamuk 65% ( $\pm 3\%$ ) i poliester 35% ( $\pm 3\%$ ), a površinska masa materijala je 200 g/m<sup>2</sup>;

4) polo majica je kratkih rukava, sa kragom otpornom na uvrtanje i zakopčava se sa dugmadima. Na leđnom dijelu nalazi se natpis "PJP". Raspored oznaka i natpisa je isti kao i na bluzi iz člana 10 tačka 3 ovog pravilnika. Rukavi su klasičnog kroja i završavaju se renderom. Sirovinski sastav materijala je minimum 98% pamuk;

5) cipele ljetnje za jahanje su izrađene od kože, a na bočnim stranama sare nalazi se elastična traka. Peta cipela mora da bude izražena. Sirovinski sastav materijala je prirodna koža sa sintetičkom postavom i kožnim đonom sa gumenom polupendžetom; i

6) čepsovi za jahanje napravljeni su od kože i sintetičkih materijala, i imaju ojačanja i zateznu traku. Zakopčavaju se patent zatvaračem duž zadnje strane.

#### **Član 15**

Djelovi uniformi policijskih službenika iz čl. 13 i 14 ovog pravilnika su sive boje, sivo - maslinaste boje, crne boje i druge maskirne boje i šare.

### **VII. UNIFORMA POLICIJSKIH SLUŽBENIKA KOJI OBAVLJAJU ZADATKE NA PLOVNIM OBJEKTIMA**

#### **Član 16**

Djelovi uniforme policijskih službenika koji obavljaju zadatke na plovnim objektima su sljedećeg izgleda, tehničkih karakteristika i vrste materijala:

1) bermude su sa usječenim horizontalnim prednjim džepovima, ojačane u zadnjem dijelu, strukirane u pojasu, dužine do koljena na čijem dnu se nalaze manžetne. Sirovinski sastav materijala je 65% poliester i 35% pamuk;

2) polo majica je kratkih rukava sa kragom, zakopčava se sa dugmadima, a na leđnom dijelu nalazi se natpis "POLICIJA" ispisan reflektujućim slovima bijele boje. Na obodu rukava polo majice prišivena je reflektujuća traka, a sirovinski sastav materijala je 100% pamuk;

3) zaštitne rukavice su anatomskog oblika, sa odvojenim prstima, vodonepropusne su i vjetroneprobojne, a sirovinski sastav materijala je kombinacija gume, neoprena i kože;

4) kaciga je sa viziorom, uobičajenog izgleda, prilagođena uslovima na vodi, a sirovinski sastav materijala je 100% poliuretan;

5) cipele - brodarice su pravilnog kalupa, uobičajenog izgleda, obezbjeđuju termo zaštitu i vodoodbojnost i imaju prošiveni brizgani bijeli gumeni đon, a sirovinski sastav materijala je 100% koža; i

6) zaštitne čizme su uobičajenog izgleda, a sirovinski sastav materijala je kombinacija gume i kože koja je vodonepropusna i vjetroneprobojna.

### **VIII. UNIFORMA POLICIJSKIH SLUŽBENIKA KOJI OBAVLJAJU POSLOVE OBEZBJEĐENJA LIČNOSTI**

#### **Član 17**

Djelovi uniforme za policijske službenike muškarce koji obavljaju poslove obezbjeđenja ličnosti su sljedećeg izgleda, tehničkih karakteristika i vrste materijala:

1) sako je postavljen, uobičajenog izgleda, sa jednorednim zakopčavanjem sa dva ili tri dugmeta. Sirovinski sastav materijala je 100% vuna ili 60% ( $\pm 5\%$ ) vuna i 40% ( $\pm 5\%$ ) poliester, a postava je od 100% viskoze;

2) taktička jakna je uobičajenog izgleda, a sirovinski sastav materijala je 100% poliester sa poliuretanskim premazom, a postava je od 100% viskoze;

3) košulja sa kratkim i dugim rukavima je ravnog kroja, klasične kragne, zakopčava se sa dugmadima i može imati džep na prednjem dijelu, u visini grudi. Sirovinski sastav materijala je 100% pamuk;

4) pantalone su ravnog kroja, na prednjem dijelu nalaze se kosi džepovi, a na zadnjem dijelu ravni džepovi. Sirovinski sastav materijala je 100% vuna ili 60% ( $\pm 5\%$ ) vuna, 38% ( $\pm 5\%$ ) poliester i 2% elastin, a površinska masa je  $218 \text{ g/m}^2$  ( $\pm 5\%$ );

5) kaiš je izrađen od kože sa metalnom kopčom;

6) kravata je na vezivanje, uobičajenog izgleda, a sirovinski sastav materijala je 100% svila;

7) čarape su uobičajenog izgleda, a sirovinski sastav je kombinacija pamuka i elastina;

8) taktička torbica je izrađena na način da može da se nosi oko struka ili ramena, sa podesivim remenom za fiksiranje pojasa i više pregrada koje se zatvaraju patent zatvaračem. Sirovinski sastav materijala je 100% poliester;

9) taktički prsluk se sastoji od osnove koja je napravljena od sintetičke mreže i platna, sa djelovima za podešavanje na koji se postavljaju futrole; i

10) plitke cipele su anatomskog oblika, uobičajenog izgleda, a sirovinski sastav materijala gornjeg dijela je 100% koža, a đona 100% guma.

#### **Član 18**

Djelovi uniforme koje, pored djelova uniforme iz člana 17 ovog pravilnika, imaju policijski službenici žene koje obavljaju poslove obezbeđenja ličnosti su sljedećeg izgleda, tehničkih karakteristika i vrste materijala:

1) suknja je "A" kroja, postavljena, dužine do ispod koljena, sa po dvije susretne falte i zakopčava se pozadi. Sirovinski sastav materijala je 100% vuna ili 60% ( $\pm 5\%$ ) vuna i 40% ( $\pm 5\%$ ) poliester, a postava je od 100% viskoze; i

2) marama je uobičajenog izgleda, a sirovinski sastav je 100% svila.

### **IX. UNIFORMA POLICIJSKIH SLUŽBENIKA KOJI OBAVLJAJU POSLOVE ANTITERORISTIČKOG PREGLEDA**

#### **Član 19**

Djelovi uniforme policijskih službenika koji obavljaju poslove antiterorističkog pregleda su sljedećeg izgleda, tehničkih karakteristika i vrste materijala:

1) kratka jakna sa podjaknom je uobičajenog izgleda, vodootporna je i vjetroneprobna sa ugrađenom klima membranom i ušivenim unutrašnjim džepovima i kapuljačom. Na leđnom dijelu jakne je jedan džep sa panelom koji se izvlači, na kojem se nalazi natpis "POLICIJA" ispisan reflektujućim slovima bijele boje. Kratka jakna je ojačana u predjelu ramena i laktova. Podjakna je od flisa i zakopčava se sa prednje strane u središnjem dijelu, a u prednjem donjem dijelu nalaze se dva kosa unutrašnja džepa. Sirovinski sastav materijala je 100 % poliester;

2) duga jakna je postavljena termo uloškom koji se skida. Na prednjoj strani u visini grudi, sa obje strane nalaze se dva džepa koji se zakopčavaju, a ispod njih su dva džepa koji se zakopčavaju vertikalno. U prednjem donjem dijelu jakne sa obje strane nalaze se kosi unutrašnji džepovi. Na leđnom dijelu jakne je džepno spremište, a na rukavima su manžetne. Na leđnom dijelu jakne je jedan džep sa panelom koji se izvlači, na kojem se nalazi natpis "POLICIJA" ispisan reflektujućim slovima bijele boje. Jakna je napravljena od 100% sintetičkog materijala sa jednopropusnom klima membranom. Termo uložak u prednjem donjem dijelu ima dva kosa unutrašnja džepa, a u predjelu laktova i ramena materijal je ojačan i zakopčava se sa prednje strane u središnjem dijelu. Sirovinski sastav materijala termo uloška je 100% flis;

3) ljetnje pantalone su trostrukog šava, ojačane u dijelu pojasne zone gdje se nalaze gajke za kaiš. U pojasnom bočnom dijelu, sa obje strane, nalaze se fleksibilne trake. Na prednjem i zadnjem dijelu, kao i sa obje bočne strane nogavica nalaze se džepovi. Pantalone su pojačane u zadnjem dijelu i u predjelu koljena. Sirovinski sastav materijala je poliester 65% i pamuk 35%;

4) zimske pantalone su istog izgleda kao i dio uniforme iz tačke 3 ovog stava, s tim što je materijal prilagođen zimskim uslovima. Sirovinski sastav materijala je poliester 65% i pamuk 35%;

5) potpantalone su anatomskog oblika, napravljene od sintetičkog materijala koji nije hidroskopen i propušta vlagu, a sirovinski sastav je poliester 65% i pamuk 35%;

6) košulja kratkih rukava je ravnog kroja, klasične kragne sa dugmadima i zakopčava se skrivenim patent zatvaračem. Na prednjoj strani, u visini grudi našiveni su džepovi sa bočnim otvorom koji se zatvaraju, a na svakom džepu se nalazi manji džep sa preklomom. Sirovinski sastav materijala je poliester 65% i pamuk 35%;

7) košulja dugih rukava je istog izgleda, vrste materijala i tehničkih karakteristika kao i košulja iz tačke 6 ovog stava, osim što ima duge rukave;

8) košulja - majica kratkih rukava je bijele boje, a sirovinski sastav materijala je 100% pamuk;

9) košulja - majica dugih rukava je istog izgleda i vrste materijala kao i dio uniforme iz tačke 8 ovog stava, osim što ima duge rukave;

10) majica kratkih rukava (T-shirt) je uobičajenog izgleda, a sirovinski sastav materijala je 100% pamuk;

11) ljetnja kapa je anatomskog oblika, uobičajenog izgleda, dvoslojna, nelomljivog štitnika, sa regulatorom za podešavanje obima na potiljku. Sirovinski sastav materijala je 65 % poliester i 35% pamuk;

12) zimska kapa je izrađena od vunenog pletiva, anatomskog oblika, a sirovinski sastav materijala je 70% vuna i 30% akril;

13) rukavice (zimske) su uobičajenog izgleda sa odvojenim prstima, dio za dlan je dodatno ojačan zaštitnim jastučićima i izrađen je od sintetičke kože, a gornji dio rukavica izrađen je od elastičnog materijala;

14) čarape ljetnje i zimske su uobičajenog izgleda, izrađene od mješavine vune i polipropilenskog vlakna, sa antibakterijskom obradom. Na renderu čarape nalaze se niti. Sirovinski sastav materijala zimske čarape je 82,9% vuna/propilen, 16,8% poliamid i 0,3% elastin ( $\pm 10\%$ ), a sirovinski sastav materijala ljetnje čarape je 65% pamuk i 35% poliamid;

15) cipele - poluduboke su vodootporne, sa integrisanom klima membranom, sa termoizolacijom i antibakterijskom postavom, imaju nemetalnu konstrukciju i gumeni đon, a sirovinski sastav materijala je kombinacija kože, gume i sintetičkog materijala.

## **X. UNIFORMA POLICIJSKIH SLUŽBENIKA SEKTORA KRIMINALISTIČKE POLICIJE**

### **Član 20**

Djelovi uniforme policijskih službenika Sektora kriminalističke policije su sljedećeg izgleda, tehničkih karakteristika i vrste materijala:

1) taktička jakna je crne boje i sastoji se od spoljnog dijela i uloška. Spoljni dio taktičke jakne izrađen je od vodootpornog materijala i ima patent zatvarače za ventilaciju. Na spoljnjem dijelu jakne nalazi se 12 džepova, i to: dva horizontalna džepa u predjelu grudi, dva uložena prednja džepa za ruke, po jedan džep sa patent zatvaračem na oba rukava, dva unutrašnja džepa u predjelu grudi, jedan džep u dnu leđa i jedan džep na leđnom dijelu sa panelom koji se izvlači na kojem se nalazi natpis "KRIMINALISTIČKA POLICIJA" ispisan reflektujućim slovima bijele boje, a dva unutrašnja džepa su obložena brušenim materijalom. Uložak jakne je otporan na vjetar, ima dva džepa i dvije omčice za mikrofon koje se nalaze u prednjem dijelu ramena. Jakna ima dva unutrašnja džepa, kao i patent zatvarače u oba pravca, a sa spoljnim dijelom jakne se spaja pomoću patent zatvarača. Materijal na ramenima i laktovima otporan je na oštećenje od mehaničkog trenja. U okovratniku jakne nalazi se vodonepropusna i odvojiva kapuljača. Sirovinski sastav spoljnog dijela jakne je 100% poliamid, a uložka jakne 100% poliester;

2) kapa - fantomka je anatomskog oblika, ima otvore za oči i usta, a sirovinski sastav materijala je 100% pamuk;

3) taktički prsluk se sastoji od osnove koja je napravljena od sintetičke mreže i platna, sa sistemom podešavanja na koji se postavljaju futrole, a na leđnom dijelu nalazi se natpis "KRIMINALISTIČKA POLICIJA" ispisan reflektujućim slovima bijele boje. Sirovinski sastav materijala je 100% poliester; i

4) taktička torbica je istog izgleda, tehničkih karakteristika i vrste materijala kao taktička torbica iz člana 17 tačka 8 ovog pravilnika.

### **Član 21**

Djelovi uniforme za policijske službenike žene su istog izgleda, tehničkih karakteristika i vrste materijala kao djelovi uniforme iz čl. 3 do 17 i čl. 19 i 20 ovog pravilnika, s tim što je njihov izgled prilagođen anatomskoj građi žene.

## **XI. NAČIN NOŠENJA I ROKOVI TRAJANJA UNIFORMI**

### **Član 22**

Policijski službenici nose urednu i neoštećenu uniformu u skladu sa njenom namjenom.

Način nošenja uniformi određuje direktor Uprave policije, na predlog pomoćnika direktora, odnosno rukovodioca organizacione jedinice Uprave policije.

Djelovi uniforme policijskih službenika za izvršavanje posebnih zadataka ne mogu se nositi u kombinaciji sa djelovima uniforme druge vrste.

Obuću, šal, rukavice i kišnu pelerinu, policijski službenici mogu nositi po sopstvenom izboru u zavisnosti od vremenskih uslova i prirode posla, ukoliko rukovodilac organizacione jedinice Uprave policije nije drukčije odredio.

### Član 23

Rokovi trajanja djelova uniforme policijskih službenika Specijalne antiterorističke jedinice, su sljedeći:

- zimska taktička uniforma:

- 1) jakna sa podjaknom - četiri godine;
- 2) džemper - rolka - dvije godine;
- 3) bluza - dvije godine;
- 4) pantalone - dvije godine;
- 5) dvije taktičke majice sa dugim rukavima - dvije godine;
- 6) dvije majice sa kratkim rukavima - dvije godine;
- 7) dvije majice sa dugim rukavima - dvije godine;
- 8) zimska kapa - dvije godine;
- 9) kapa - beretka - četiri godine;
- 10) kapa - fantomka - tri godine;
- 11) kapa - džokejka - dvije godine;
- 12) potkapa - tri godine;
- 13) taktičke rukavice - četiri godine;
- 14) zimske rukavice - dvije godine;
- 15) dvije podmajice - dvije godine;
- 16) dvoje potpantalona - dvije godine;
- 17) kišno odijelo - četiri godine;
- 18) marama - tri godine;
- 19) četiri para čarapa - jedna godina;
- 20) čizme sa povišenom sarom - dvije godine;
- 21) taktičke cipele - patike - dvije godine;
- 22) ranac - pet godina;
- 23) modularni ranac - pet godina;
- 24) dva kombinezona - četiri godine,

- ljetnja taktička uniforma:

- 1) bluza - dvije godine;
- 2) pantalone - dvije godine;
- 3) dvije taktičke majice sa kratkim rukavima - dvije godine;
- 4) dvije polo majice sa kratkim rukavima - jedna godina;
- 5) četiri majice sa kratkim rukavima - jedna godina;
- 6) kapa - džokejka - dvije godine;
- 7) kapa - fantomka - tri godine;
- 8) šešir - pet godina;
- 9) čizme - dvije godine;
- 10) četiri para čarapa - jedna godina;
- 11) taktičke cipele - patike - dvije godine;
- 12) dva kombinezona - četiri godine,

- zimska specijalistička uniforma:

- 1) alpinistička jakna - pet godina;
- 2) alpinistička bluza - pet godina;
- 3) alpinističke pantalone - pet godina;
- 4) alpinističke cipele - tri godine;
- 5) alpinističke čizme - tri godine;
- 6) alpinističke rukavice - tri godine;
- 7) alpinistički džemper - pet godina;
- 8) snajperska jakna - pet godina;
- 9) snajperska bluza - pet godina;
- 10) snajperske pantalone - pet godina;
- 11) snajperske čizme - četiri godine;
- 12) "džili" odijelo - pet godina;
- 13) snajperske rukavice - četiri godine,

- ljetnja specijalistička uniforma:

- 1) alpinistička jakna - pet godina;
- 2) alpinističke pantalone - pet godina;
- 3) alpinistička bluza - pet godina;
- 4) dvije alpinističke majice - četiri godine;

- 5) alpinističke rukavice - tri godine;
- 6) snajperska jakna - pet godina;
- 7) snajperska bluza - pet godina;
- 8) snajperske pantalone - pet godina;
- 9) dvije snajperske majice - četiri godine;
- 10) snajperske čizme - četiri godine;
- 11) snajperske rukavice - četiri godine;
- 12) "džili" odijelo - pet godina;
- 13) kapa - džokejka - dvije godine;
- 14) alpinističke cipele - tri godine.

#### **Član 24**

Rokovi trajanja djelova uniforme policijskih službenika Počasne rezidencijalne garde, su sljedeći:

- 1) šinjel - osam godina;
- 2) produžena bluza - dvije godine;
- 3) dvije košulje - dvije godine;
- 4) dvoje pantalona - dvije godine;
- 5) stilizovani pojas - osam godina;
- 6) kapa - dvije godine;
- 7) rukavice - dvije godine;
- 8) čizme sa povišenom sarom - dvije godine;
- 9) sablja - trajno.

#### **Član 25**

Rokovi trajanja djelova uniforme policijskih službenika - motociklista, su sljedeći:

- 1) motociklističko odijelo (dvodjelno) - četiri godine;
- 2) četiri polo majice sa kratkim rukavima - dvije godine;
- 3) četiri "slim-fit" majice sa dugim rukavima - dvije godine;
- 4) četiri "slim-fit" potpantalona - dvije godine;
- 5) kišno odijelo - dvije godine;
- 6) motociklistička kaciga - osam godina;
- 7) motociklističke rukavice (zimske) - dvije godine;
- 8) motociklističke rukavice (ljetnje) - dvije godine;
- 9) motociklistički pojas - četiri godine;
- 10) motociklistički štitnik za leđa - četiri godine;
- 11) motociklistički štitnici za ekstremitete - četiri godine;
- 12) motociklističke naočare - četiri godine;
- 13) motociklistička potkapa - dvije godine;
- 14) motociklističke čizme (zimske) - dvije godine;
- 15) motociklističke čizme (ljetnje) - dvije godine.

#### **Član 26**

Rokovi trajanja djelova uniforme policijskih službenika Posebne jedinice policije, su sljedeći:

- zimska taktička uniforma:
- 1) jakna sa podjaknom - četiri godine;
  - 2) džemper - rolka - dvije godine;
  - 3) bluza - dvije godine;
  - 4) dvoje pantalona - dvije godine;
  - 5) četiri taktičke majice - dvije godine;
  - 6) dvije majice sa kratkim rukavima - dvije godine;
  - 7) dvije majice sa dugim rukavima - dvije godine;
  - 8) zimska kapa - četiri godine;
  - 9) kapa - beretka - četiri godine;
  - 10) kapa - fantomka - tri godine;
  - 11) kapa - džokejka - dvije godine;
  - 12) potkapa - tri godine;
  - 13) taktičke rukavice - dvije godine;
  - 14) rukavice za javni red i mir (antiriot) - četiri godine;
  - 15) zimske rukavice - dvije godine;
  - 16) dvije podmajice - dvije godine;
  - 17) dvoje potpantalona - dvije godine;
  - 18) kišno odijelo - četiri godine;
  - 19) marama - tri godine;

- 20) četiri para čarapa - jedna godina;
- 21) gete - četiri godine;
- 22) čizme sa povišenom sarom - dvije godine;
- 23) taktičke cipele - patike - dvije godine;
- 24) ranac - pet godina;
- 25) modularni ranac - pet godina;
- 26) dva kombinezona - četiri godine,  
- ljetnja taktička uniforma:
  - 1) bluza - dvije godine;
  - 2) pantalone - dvije godine;
  - 3) četiri taktičke majice sa kratkim rukavima - dvije godine;
  - 4) četiri polo majice sa kratkim rukavima - dvije godine;
  - 5) četiri majice sa kratkim rukavima - dvije godine;
  - 6) kapa - džokejka - dvije godine;
  - 7) kapa - fantomka - tri godine;
  - 8) šešir - četiri godine;
  - 9) četiri para čarapa - jedna godina;
  - 10) čizme - dvije godine;
  - 11) taktičke cipele - patike - dvije godine;
  - 12) dva kombinezona - četiri godine.

#### **Član 27**

Rokovi trajanja djelova uniforme policijskih službenika konjanika, su sljedeći:

- zimska specijalistička uniforma:
  - 1) jakna za jahanje - četiri godine;
  - 2) dvoje pantalona za jahanje - dvije godine;
  - 3) dvoje rukavica za jahanje - dvije godine;
  - 4) pelerina za jahanje - četiri godine;
  - 5) dvije košulje sa dugim rukavima - dvije godine;
  - 6) čizme za jahanje - dvije godine;
  - 7) kaciga za jahanje - pet godina,
- ljetnja specijalistička uniforma:
  - 1) dvoje pantalona za jahanje - dvije godine;
  - 2) dvoje rukavica za jahanje - dvije godine;
  - 3) dvije košulje sa kratkim rukavima - dvije godine;
  - 4) dvije polo majice - dvije godine;
  - 5) cipele ljetnje za jahanje - dvije godine;
  - 6) čepsovi za jahanje - dvije godine.

#### **Član 28**

Rokovi trajanja djelova uniforme policijskih službenika koji obavljaju zadatke na plovnim objektima, su sljedeći:

- 1) dvoje bermuda - jedna godina;
- 2) četiri polo majice - dvije godine;
- 3) zaštitne rukavice - četiri godine;
- 4) kaciga - osam godina;
- 5) cipele - brodarice - jedna godina;
- 6) zaštitne čizme - dvije godine.

#### **Član 29**

Rokovi trajanja djelova uniforme za policijske službenike muškarce koji obavljaju poslove obezbjeđenja ličnosti, su sljedeći:

- 1) sako - jedna godina;
- 2) taktička jakna - dvije godine;
- 3) dvije košulje sa kratkim rukavima - jedna godina;
- 4) dvije košulje sa dugim rukavima - jedna godina;
- 5) pantalone - jedna godina;
- 6) kaiš - pet godina;
- 7) kravata - jedna godina;
- 8) šest pari čarapa - jedna godina;
- 9) taktička torbica - dvije godine;
- 10) taktički prsluk - četiri godine;
- 11) plitke cipele - jedna godina.

#### **Član 30**

Rokovi trajanja djelova uniforme za policijske službenike žene koji obavljaju poslove obezbjeđenja ličnosti, su sljedeći:

- 1) sako - jedna godina;
- 2) taktička jakna - dvije godine;
- 3) dvije košulje sa kratkim rukavima - jedna godina;
- 4) dvije košulje sa dugim rukavima - jedna godina;
- 5) suknja - jedna godina;
- 6) pantalone - jedna godina;
- 7) kaiš - pet godina;
- 8) kravata - jedna godina;
- 9) marama - jedna godina;
- 10) šest pari čarapa - jedna godina;
- 11) taktička torbica - dvije godine;
- 12) taktički prsluk - četiri godine;
- 13) plitke cipele - jedna godina.

#### **Član 31**

Rokovi trajanja djelova uniforme policijskih službenika koji obavljaju poslove antiterorističkog pregleda, su sljedeći:

- 1) kratka jakna sa podjaknom - četiri godine;
- 2) duga jakna - četiri godine;
- 3) dvoje ljetnjih pantalona - dvije godine;
- 4) dvoje zimskih pantalona - dvije godine;
- 5) dvoje potpantalona - dvije godine;
- 6) dvije košulje kratkih rukava - dvije godine;
- 7) dvije košulje dugih rukava - dvije godine;
- 8) dvije košulje - majice kratkih rukava - dvije godine;
- 9) dvije košulje - majice dugih rukava - dvije godine;
- 10) četiri majice kratkih rukava (T-shirt majice) - dvije godine;
- 11) ljetnja kapa - dvije godine;
- 12) zimska kapa - dvije godine;
- 13) rukavice (zimske) - dvije godine;
- 14) šest pari čarapa ljetnjih - dvije godine;
- 15) šest pari čarapa zimskih - dvije godine;
- 16) cipele - poluduboke - dvije godine.

#### **Član 32**

Rokovi trajanja djelova uniforme policijskih službenika Sektora kriminalističke policije, su sljedeći:

- 1) taktička jakna - dvije godine;
- 2) kapa - fantomka - tri godine;
- 3) taktički prsluk - četiri godine;
- 4) taktička torbica - dvije godine.

#### **Član 33**

Rokovi trajanja djelova uniformi policijskih službenika za izvršavanje posebnih zadataka, produžice se za vrijeme:

- 1) privremene spriječenosti za rad;
- 2) privremenog udaljenja sa rada;
- 3) korišćenja neplaćenog odsustva.

Pojedini djelovi uniforme policijskih službenika za izvršavanje posebnih zadataka mogu se zamijeniti i prije isteka rokova propisanih ovim pravilnikom, samo ako su oštećeni ili potpuno uništeni tokom obavljanja policijskih poslova i zadataka, na osnovu odluke direktora Uprave policije, na predlog pomoćnika direktora, odnosno rukovodioca organizacione jedinice Uprave policije.

## **XII. ZAVRŠNA ODREDBA**

#### **Član 34**

Ovaj pravilnik stupa na snagu danom objavljivanja u "Službenom listu Crne Gore".

01 Broj: 050/17-37757/3

Podgorica, 17. novembra 2017. godine

Ministar,  
**Mevludin Nuhodžić, s.r.**